

## Sámedikkeráde árvvalus ráddidussjiehtadallamijda Granavoldenin

Sámedikkeráde vuoset ráddidusá politihkalasj vuoduj Jeløyas áđájakmáno 14. biejes 2018 gánná ávddán bohtá jut ráddidus sihtá:

- Bisodit Sámedikke ja rádádallamvuogev Sámedikke ja ráddidusá gaskan.
- Joarkket bargov gátsedit VAT 2007:13 Áđá sámeriektá (Sámeriektájuogos 2), gánná guhttala álgon vuoroduvvá rádádallamijt lága baktu mierredittjat.
- Ávddánahttet sáme æládusiellemav, daj vuolen aj mannoæládusáv, tjanáduvvam sáme kultuvrraj aj árbbedábálasj sáme æládusájda.
- Gátsedit VAT:av 2016:18 Vájmogiella aktan Sámedikkijn.
- Áttjudit áđá budsjahttaárnigav Sámediggáj.
- Barggat Nuorttarijkalasj Sámekonvensjávnav vuolláj tjálatjit ja dáhkkidittjat.

Sámedikkeráde gávnat, Jeløya-vuodo la buorre vuodon politihkkaj mij máhtta nannit ja ávddánahttet sáme kultuvrav, gielajt, sebrudagáv ja sáme æládusájt. Gátsedimbarggo la álgaduvvam, valla vilá la barggo vuorddemin ávddála mihttomierijda jávsát.

Sámedikkeráde mielas áđá ráddidusá vuodon luluj duola dagu ávddán bohtet jut ráddidusá sihtá:

- Dahkat doajmmaplánav vahágahttema sáme sebrudagáj hárráj daj árvvalusáj milta ma li Sámedikke, nielje AN FN-orgánas, Vuona nasjávnałasj almasjrievtesvuoda ásadusás (NIM) ja Dássádu- ja nuppástimoahttes (LDO).
- Barggat boatsojæláduslágav snivugit gehtjadittjat, mij luluj bælostahhte boatsojæládusláhka æládusán ja sáme sebrudagán nannit.
- Gátsedit minerállalága árvustallamav (Nordtveit-nammadus) láhkabargojn.
- Biehttot meravuole-vuorkudagájt, duola dagu láhpalattjat biehttot Nussir-prosjevtav Riehppovuonan Finnmarkon.
- Gátsedit urudis-semadimev tjielgga urudispolitihkajn mij nanni vuodoæládusáj viessomvuogijt.
- Lága baktu mierredit merrasámij ja merragátte álmuga histávrułasj riektáv guollimriehtáv NIM ja AN-orgánaj árvvalusáj milta, ja vuorodit merragátte vantsaj máhttelisvuoda bierggimav guollimis oadtjot.
- Oarjjelsáme stuorradiggediedádusáv dahkat.
- Tjielgga ja rahtjalis dálkádakpolitihkav jádedit, gánná álggoálmugij berustime ja árbbemáhto bærrájgátseduvvi, sæmmi gá hiebadamstrategijajt máhtta álgadit.
- Tjårggit vaj áđá huodnav Beaivváš sáme nasjávnałasj teáhterij aktan Sáme joarkkaskávlá ja boatsojsujttoskávláj duohtan dagáduvvá; ja álgadit gárvedahttjåt sáme dájdadávvervuorká huodnav.
- Tjårggit vaj máhtsadibme sáme kulturárbbedávvera máhtsadibme sáme ásadusájda duohtan dagáduvvá (Bååstede-prosjækta).
-